

## श्री देवभद्रसूरि रचित चतुर्विंशति-जिन स्तोत्राणि

म० विनयसागर

वाणीकी सफलता और हृदय की अनुभूति का उद्रेक ही स्तोत्रों का प्रमुख विषय रहा है। जिनेश्वरों के पाँच कल्याणकों के अतिरिक्त उनसे सम्बन्धित जितनी भी वस्तुएँ/स्थान हैं, उनके माध्यम/वर्णन से कृतकृत्य होना ही जीवन की सफलता का आधार है। प्रस्तुत स्तोत्रों में उनके गुणगौरव यशोकीर्ति का उल्लेख कम है, उनके वर्णनों/स्थानों का उल्लेख अधिक है।

इस कृति की दुर्लभ प्रति श्री लालभाई दलपतभाई भारतीय संस्कृति विद्यामन्दिर, मुनिराजश्री पुण्यविजयजी के संग्रह में उपलब्ध है। सूचीपत्र भाग-१, क्रमांक १३७८, परिग्रहणांक नम्बर ७२५४ (१) पर सुरक्षित है। पत्र संख्या ५ है। साईंज ३० x ११-४, पंक्ति २० और अक्षर संख्या ५८ है। लेखनकाल संवत् १५५० है। इस स्तोत्र का प्रारम्भ - सिरि अजियनाह वड्साह - से प्रारम्भ होता है। गाथा संख्या १९२ है।

### प्रणेता

प्रथम ऋषभदेव स्तोत्र गाथा ८ में देवभद्राङ्ग और वर्द्धमान स्तोत्र गाथा ८ में देवभद्राङ्ग शब्द का रचनाकार ने प्रयोग किया है। इससे स्पष्ट है कि इस कृति के प्रणेता देवभद्रसूरि हैं। इसमें कहीं भी अपनी गुरु-परम्परा और गच्छ का उल्लेख नहीं किया है। लिखित प्रति १५५० की होने के कारण इससे पूर्व ही देवभद्रसूरि के सम्बन्ध में विचार आवश्यक है।

**१. देवभद्रसूरि -** नवाङ्गीटीकाकार श्री अभयदेवसूरि के विनेय शिष्य हैं।

इनका दीक्षा नाम गुणचन्द्रगणि था और आचार्य बनने के पश्चात् देवभद्रसूरि के नाम से प्रसिद्ध हुए। इनके द्वारा प्रणीत वीरचत्रिं, कहारयणकोष (रचना सं. ११५८) और पार्श्वनाथ चत्रिं (रचना सं. ११६५) के प्राप्त हैं।

**२. देवभद्रसूरि -** चन्द्रगच्छ, बृहद् गच्छ, पिप्पलक शाखा के प्रवर्तक हैं,

जो विजयसिंहसूरि, देवभद्रसूरि, धनेश्वरसूरि की परम्परा में हैं। इनका समय १२वीं शताब्दी है।

३. देवभद्रसूरि - चन्द्रगच्छीय, शान्तिसूरि, देवभद्रसूरि, देवानन्दसूरि की परम्परा में हैं। सत्ताकाल १३वीं शती है।

४. देवभद्रसूरि - मलधारगच्छीय श्रीचन्द्रसूरि के शिष्य हैं। और संग्रहणी वृत्ति इनकी प्रमुख रचना है। समय १२वीं शताब्दी।

५. देवभद्रसूरि - पूर्णिमापक्षीय विमलगणि के शिष्य हैं। दर्शनशुद्धि-प्रकरण की टीका प्राप्त है जिसका रचना संवत् १२२४ है।

६. देवभद्रसूरि - राजगच्छीय अजितसिंहसूरि के शिष्य हैं। इनकी प्रमुख रचना श्रेयांसनाथ चरित्र है और इनका सत्ताकाल १२७८ से १२९८ है।

साहित्य में इन छः देवभद्रसूरि की उल्लेख प्राप्त होता है। क्रमांक २ और ३ की कोई रचनाएँ प्राप्त नहीं हैं। क्रमांक ४-५ जैन प्रकरण साहित्य के टीकाकार हैं और क्रमांक ६ कथाकार हैं। क्रमांक २-६ तक इस स्तोत्र के प्रणेता हों सम्भावना कम ही नजर आती है। मेरे नम्र विचारानुसार इस कृति के प्रणेता श्री अभयदेवसूरि के विनेय ही होने चाहिए।<sup>१</sup>

देवभद्रसूरि खरतगच्छिविरुद्ध धारक श्री जिनेश्वरसूरि के शिष्य उपाध्याय श्री सुमितिगणि के शिष्य हैं। इनका दीक्षानाम गुणचन्द्रगणि था। आचार्य बनने के पश्चात् देवभद्रसूरि के नाम से प्रसिद्ध हुए। श्री अभयदेवसूरि के पास इन्होंने शिक्षा-दीक्षा एवं आगमिक अध्ययन किया था इसीलिए गणधरसार्दृशतक बृहदवृत्तिकार सुमितिगणि और खरतगच्छ गुर्वावलीकार श्री जिनपालोपाध्याय ने अभयदेवसूरि के पास विद्या ग्रहण करने वाले और उनकी कीर्तिपताका फैलाने वाले शिष्यों का उल्लेख करते हुए लिखा है:-

सत्तकन्यायचर्चार्चितचतुरगिरिः श्रीप्रसन्नेन्दुसूरिः;

सूरिः श्रीवर्धमानो यतिपतिहरिश्चिद्रो मुनीद्देवभद्रः।

१. महावीर स्वामीके स्तबमें पांच ही कल्याणककी बात है, ६ की नहीं; अतः यह कृति किसी अन्य गच्छ के देवभद्रसूरिकी हो यह अधिक सम्भवित है। श्री.

इत्याद्या सर्वविद्यार्थवसकलभुवः सञ्चरिष्णूरुकीर्तिः,  
स्तम्भायन्तेधुनापि श्रुतचरणरमारजिनो यस्य शिष्याः ॥

इस पद्य का उल्लेख श्री जिनवल्लभगणि ने चित्रकूटीय वीरचैत्य प्रशस्ति में भी किया है । देवभद्रसूरि प्रसन्नचन्द्रसूरि के अत्यन्त कृपापात्र थे ।

आचार्य देवभद्रसूरि जैनागमों के साथ कथानुयोग के भी उद्दट विद्वान् थे । उनके हांग प्रणीत निम्न ग्रन्थ प्राप्त होते हैं :-

महावीर चरित्र (११३९)	कथारत्नकोश (११५८)
पार्श्वनाथ चरित्र (११६८)	प्रमाण प्रकाश
संवेगमङ्करी	अनन्तनाथ स्तोत्र
चतुर्विंशति जिन स्तोत्राणि(?)	स्तम्भतीर्थ पार्श्वनाथ स्तोत्र
पार्श्वनाथ दशभव स्तोत्र	वीतराग स्तोत्र

जिनचरित्र और स्तोत्रों को देखते हुए यह कृति भी इन्हीं की मानी जा सकती है ।

### वर्ण्य-विषय

प्रस्तुत स्तोत्रों में २४ तीर्थकरों के ३२ स्थानकों का वर्णन है । प्रत्येक स्तोत्र में तीर्थकरों का नामोल्लेख करते हुए ८ गाथाओं में यह वर्णन किया गया है । स्थानकों का वर्णन निम्न है :-

तीर्थकर नाम - १. च्यवन स्थान, २. च्यवन तिथि, ३. जन्मभूमि, ४. जन्मतिथि, ५. पितृनाम, ६. मातृनाम, ७. शरीर वर्ण, ८. शरीर माप, ९. लाञ्छन, १०. कुमारकाल, ११. राज्यकाल, १२. दीक्षा तप, १३. दीक्षा तिथि, १४. दीक्षा स्थान, १५. पारणक, १६. दाता, १७. दीक्षा परिवार, १८. छद्मस्थ काल, १९. ज्ञान नगरी, २०. ज्ञान तिथि, २१. गणधर संख्या, २२. साधु संख्या, २३. साध्वी संख्या, २४. शासन देव, २५. शासन देवी, २६. भक्त, २७. दीक्षा पर्याय, २८. आयुष्य, २९. मोक्ष परिवार, ३०. अन्तरकाल, ३१. निर्वाण तिथि, ३२. निर्वाण धाम । विस्तृत जानकारी के लिए पृथक् से इन ३२ स्थानकों का कोष्ठक यन्त्र परिशिष्ट में दिया गया हैं वहाँ देखें ।

स्थानकों का उल्लेख किस ग्रन्थ के आधार से किया गया है ? इसका

कोई उल्लेख नहीं है। तथापि आगम साहित्य, प्रकीर्णक साहित्य, तीर्थकर चरित्र (प्रथमानुयोग), आदि विभिन्न ग्रन्थों में जो स्थानकों सम्बन्धि उल्लेख मिलते हैं उनका यहाँ एकीकरण किया गया हो ऐसा माना जा सकता है।

श्रीशीलाङ्काचार्य (९वीं शती) रचित चउपन्न-महापुरुष-चरित्य में शासनदेव, शासनदेवी, पारणा कराने वाले और प्रमुख भक्त आदि का उल्लेख न होने से यह निश्चित है कि यह उससे परवर्ती रचना है।

श्रीशीलाङ्काचार्य रचित चउपन्न-महापुरुष-चरित्य और कलिकाल सर्वज्ञ हेमचन्द्राचार्य रचित त्रिषष्ठिशलाकापुरुष चरित्र में वर्णित स्थानकों में अन्तर हो सकता है। जैसे - श्री शीलाङ्काचार्य, देवभद्रसूरि और हेमचन्द्राचार्य ने श्रेयांसनाथ का अन्तरकाल ६६,२६००० सागरोपम कम माना है, किन्तु त्रिषष्ठिशलाकापुरुष चरित्र संस्कृत में ६६,२६००० ही माना है किन्तु सम्पादक श्री विजयशीलचन्द्रसूरिजी ने पाठान्तर में ६६,३६००० स्वीकृत किया है। गुजराती और हिन्दी अनुवादों में ६६,३६००० ही देखने में आ रहा है।

श्रीजिनवलभसूरि ने चतुर्विंशति जिन-स्तोत्राणि में केवल छः स्थानकों का ही उल्लेख किया है। परवर्ती काल में स्थानकों का वर्णन क्रमशः बढ़ते हुए १७० तक पहुँच चुका था। श्रीसोमतिलकसूरि द्वारा संवत् १३८७ में रचित सप्ततिशतस्थानप्रकरणम् में १७० स्थानों का वर्णन है।

मुनिराज की पुण्यविजयजी के संग्रह की वर्तमान समय में प्राप्त प्रति में अजितनाथ स्तोत्र से यह वर्णन प्रारम्भ होता है। जबकि आज से ५५ वर्ष पूर्व जिस प्रति के आधार से प्रतिलिपि की थी उसमें ऋषभदेव वर्णनात्मक ८ गाथाएँ भी थी। यह कृति अद्यावधि अप्रकाशित थी। अतः पाठकगण इसका रसास्वादन करें, इसी वृष्टि से प्रस्तुत है।

### सिरि रिसहणाह-थुतं

परिसिद्धिकए सिरिरिसहनाह ! सब्वदृसिद्धिमुज्ज्ञेऽं ।  
 अवइत्रोसि अउज्जं कसिणं चउत्थीइ आसाढे ॥१॥  
 नाहि-मरुदेवि-तणओ जाओ चित्तदृमीइ बहुलाए ।  
 पंच धणुस्सयदेहो कणयपहो तंसि वसहंको ॥२॥

कुमरोसि पुब्लक्खे वीसं पुहईसरो य तेवर्दि ।  
 कसिणटुमीइ चित्ते सह चर्डि नरिदसहसेहि ॥३॥  
 सिद्धत्थवण्मि तुमं छट्टेण विणिगओसि वरिसंते ।  
 सेयंसाडं तुहासी इक्खुरसो पढमपारणए ॥४॥  
 वाससहसं अच्छिय छउमत्थो फगुणस्स कसिणाए ।  
 इक्कारसीइ पत्तो के वलनाणं पुरिमताले ॥५॥  
 तुह गणहरा य चुलसी साहु-सहस्सा य साहुणि तिलक्खं ।  
 गोमुह-अप्पडिचक्का भरहे सरचक्किणो भत्ता ॥६॥  
 दिक्खा य पुब्लक्खं आडं चुलसीइ पुब्लक्खाइ ।  
 अवसप्पिणि तइयऽरए सेसे गुणनवइ पक्खेर्हि ॥७॥  
 कसिणाइ तेरसीए माहे सह दसहि मुणिसहस्सेहि ।  
 अट्टावयम्मि निब्बुय ! देहि महं देव ! भद्राइ ॥८॥



### सिरि अजियणाह-थुतं

सिखिअजियनाह ! वइसाह-सुद्ध-तेरसि विमुक्तविजयसुहो ।  
 लोयहियटुमवज्ञाइ तं पवश्नोसि गब्भदुहं ॥१॥  
 भविय जियसत्तु-विजया-तणओ माहटुमीए सुद्धाए ।  
 गयर्चिध अद्धपंचम धणुसयतणु कणयसंकास ॥२॥  
 कुमरते अट्टारस लक्खा पुब्वाण गमिय रज्जेउ ।  
 तेवश्नमंगसहिया माहे सुद्धाइ नवमीए ॥३॥  
 सहसंबवणे छट्टेण निगाओ तंसि नरसहस्सजुओ ।  
 अन्रदिणे परमत्रं दिणहं तुह बंभदत्तेण ॥४॥  
 बारसवरिसाणंते पोस-सिय-इक्कारसीइ तम्मि वणे ।  
 उप्पनाण तुमए पणनवई गणहरा विहिया ॥५॥  
 साहू लक्खं अज्जाउ तिनि लक्खाइ तीस सहसा य ।  
 भत्ता तुह महजक्खो अजियबला सगरचक्की य ॥६॥  
 वयमंगूणं लक्खं पुब्वा आडं बिसत्तरी लक्खा ।  
 पन्नास अयर कोडी लक्खेसु गएसु उसभाओ ॥७॥

चित्तसिय-पंचमीए सम्मेए तं मुणीण सहसेण ।  
सेलेसीमारुहिं जत्थ गओ तत्थ मन्नेसु(मं नेसु) ॥८॥



### सिरि संभवणाह-थुत्तं

सिरिसंभवजिण ! सत्तम ! सत्तम-गेविज्जयाउ सावर्त्ति ।  
फगुणसियद्वमीए पत्तोसि सुहाय वसुहाए ॥१॥  
जाओ जिआरि-सेणाण सुद्धमगसिरचउदसीइं तुमं ।  
कणथतुलियं चउसयधणुतुंग तुरंग-लंछणय ॥२॥  
पत्ररस-पुब्बलकखे कुमरे चउचत्तपुब्बलकखा य ।  
चउरंगाणि य राया भविऊण मणुय-सहसेण ॥३॥  
मगसिर-पुन्निमाओ कयछट्टो निगओ सहस्संबे ।  
बीयदिणे परमनं सुरिददत्ताउ पत्तोसि ॥४॥  
चउदस-वरिसंते पंचमीइ कसिणाइ कत्तिए नाणं ।  
तम्मि वणे जणिय कयं गणहारिसयं दुरुत्तरयं ॥५॥  
लक्खदुंग साहूण अज्जा छत्तीसहसलकखतिगं ।  
नाह ! तुह तिमुह-दुरियारि मित्तसेणा सया भत्ता ॥६॥  
पुब्बाण लक्खमेंग चउरंगूणं तवेण खविऊणं ।  
अजियजिणाओ सागर-कोडी-लकखाण-तीसाए ॥७॥  
चित्तसियपंचमीए तं निद्विय सद्वि-लक्ख-पुब्बाउं ।  
संजयसहस-समेयं-सम्मेए निब्बुयं बंदे ॥८॥



### सिरि अभिणंदणणाह-थुत्तं

सरिमो सिरिअभिनंदणजिणिद ! वइसाहसियचउत्थीए ।  
जय नाह ! जयंताउ तुञ्ज अवज्ञाइ अवयरणं ॥१॥  
संवर-सिद्धत्थाणं कणयपहो माह-सुद्धबीयाए ।  
अद्ध-चउत्थ-धणुस्यतणु बानरचिंध जाओसि ॥२॥

अद्वत्तेरसकुमरोसि पुब्व-लक्खाइं सङ्कुछतीसं ।  
 अदुंगाणि य राया माहे सिय-बारसीइ तुमं ॥३॥  
 छटेण गहियदिक्खो सहसंबवणे नरिंदसहसेणं ।  
 पत्तो पायसभसणं बीयदिणे इंददत्ताओ ॥४॥  
 अट्टारस-वरिसेहि सिय-पोस-चउद्दसीइ तम्मि वणे ।  
 जायं नाणं तह सोलसोत्तरं गणहरण सयं ॥५॥  
 मुणि लक्ख-तिगं अज्ञाण तीससहसाहियं तु छलक्खं ।  
 जक्खेसर-कालीओ तुह भत्ता मित्तविरिओ य ॥६॥  
 गय-पुब्व-लक्खं अदुंगूणं ठिओसि सामन्ने ।  
 संभवनाहाउ गएसु अयर-दसकोडि-लक्खेसु ॥७॥  
 पत्रास-पुब्व लक्खे जीविय सियअदुमीइ वइसाहे ।  
 मुणि-सहसजुयं सिद्धं तुमं नमंसामि सम्मेए ॥८॥



### सिरि सुमझणाह-थुत्तं

पणमामि सुमझामिय ! कामिय वसुहोवयारभ(म?)वयारं ।  
 सावण-सिय-बीयाए जयंतओ तुह अवज्ञाए ॥१॥  
 तं मेह-मंगलाणं वइसाह-सियदुमीइ जाओसि ।  
 अहजच्च-कंचणनिथो तिसय-धणुच्चो सकुंचो य ॥२॥  
 कुमरोसि पुब्वलक्खे दस नरनाहो य बारसंगजुयं ।  
 इगुणतीसं वइसाह-सुद्ध-नवमीइ सहसंबे ॥३॥  
 कयनिच्चभत्त नर-सहससंगओ निगओसि बीयदिणे ।  
 पउमाउ पत्तपायस वासा वीसं ठिओ छउमे ॥४॥  
 तम्मि वणे वरनाणं चित्त-सिय-इक्कारसीइ पत्तोसि ।  
 गणहरसयं मुणीणं लक्ख-तिगं वीससहसजुयं ॥५॥  
 अज्ञाण पंच-लक्खं तीस-सहस्साहियं तए विहियं ।  
 तुह भत्तिपरा तुंबुरु-महयाली सब्बविरियनिवा ॥६॥  
 लक्खा अ बारसंगं घुट्टाण वयं तु चत्तलक्खाइं ।  
 अभिनंदणाउ जिणओ नवसागरकोडि-लक्खेहिं ॥७॥

६  
साहुसहस्रेण समं सम्मेए चित्त-सुद्ध-नवमीए ।  
पत्तोसि सुहमणंतं तं देसु ममावि किमऽजुतं ॥८॥



### सिरि पठमप्पहणाह-थुतं

सिरिपठमप्पह ! पुहइं पहासिंड माह-बहुलछट्टीए ।  
सब्बुवरिम-गेविज्जा तुमं पवन्नोसि कोसंबि ॥१॥  
जाओसि धर-सुसीमाण कत्तिए बहुल-बारसीइ तुमं ।  
अङ्गाइज्ज-धणुस्सयपमाण कमलंक रत्तंगं ॥२॥  
अद्धट्टुमा कुमारे लक्खा पुव्वाण सङ्घाइगवीसं ।  
सोलास अंगा यतिको सह निव-सहस्रेण सहसंबे ॥३॥  
छट्टेण विणिकखंतो पहु कत्तिय-कसिण-तेरसीइ तुमं ।  
परमन्नं च पवन्नो बीयदिणे सोमदेवाड ॥४॥  
छम्मासंते नाणं तम्मि वणे चित्त-पुनिमाए तए ।  
लद्धूण कयं गणहर-सत्तहियसयं मुणीणं तु ॥५॥  
तीस सहस्स-तिलक्खं अज्जाणं वीस सहस चउलक्खं ।  
तुह सामि सेवगा कुसुम-अच्चुया अजियसेण-निवा ॥६॥  
तुह वयमसोलासंगं लक्खं पुव्वाण तीस लक्खाऊ ।  
सुमइ-जिणाणंतरमयर कोडि-नवई सहस्रेहि ॥७॥  
सम्मेए चउवीसहिएहि तिहि सएहि समं ।  
मग्गसिर-कसिण-इक्कारसीइ निव्वुय नमो तुज्ज्ञ ॥८॥



### सिरि सुपासणाह-थुतं

तिहुयणसिरिवास-सुपाससामि ! कसिणट्टमीइ भहवए ।  
मञ्ज्ञाम उवरिमओ तुह चरणं भवियाण कुणउ सुहं ॥१॥  
वाणारसीइ सिय-बारसीइ जिद्दे पझट्ट-पुहइ-सुओ ।  
दुसय-धणू सियवर-सत्थियक कणयप्पहो तेसिं ॥२॥

पुव्वाण पंच लक्खा वीसंगजुयं च लक्ख चउदसंगं ।  
 कुमर-नरनाहभावं अणुभविय नर्दि-सहसजुओ ॥३॥  
 सहसंबवणे कयछटु जिटु-सिय-तेसीइ नीहरिओ ।  
 जिणचंद महिदाओ बीयदिणे पायसं पत्तो ॥४॥  
 मासेहिं नवहि फग्गुण-सामलछटुइ तम्मि उज्जाणे ।  
 नाणं लद्धूण कया पण-नवई गणहरा तुमए ॥५॥  
 साहूण तिनि लक्खा अज्जा चउ लक्ख तीस सहसा य ।  
 तुह भत्ता मायंगो संता तह दाणविरिओ य ॥६॥  
 पुव्वाणमवीसंगं लक्खं वथमाउ लक्ख वीसं च ।  
 पउमप्पहनाहाओ नव सागरकोडिसहसेहिं ॥७॥  
 कसिणए फग्गुण-सत्तमीइ पंचहिं सएहिं साहूणं ।  
 सम्मेयम्मि सिवं गथ सिवगइं देहि मह नाह ! ॥८॥



### सिरि चंदप्पहणाह-थुतं

चंदप्पह ! पुहइमिं मज्जर्ति तममुहमि उद्धरितं ।  
 तुह बहुल-चित्तपंचमि परिवज्जियवेजयंत नमो ॥१॥  
 चंदपुरीइ महायस ! पोसासिय-बारसीइ जाओसि ।  
 महसेण-लक्खमाणं चंदको चंदधवलोयं ॥२॥  
 तं सङ्कुसयधणूसिय कुमरो पुव्वाण सङ्कुलक्खदुगं ।  
 राया सङ्कुलक्खे चउवीसंगा य कयछटु ॥३॥  
 नरसहसजुओ तं पोस-कसिण-तेरसि पवत्रसामन्नो ।  
 सहसंबे पत्तो सोमदत्त परमञ्चमञ्चदिणे ॥४॥  
 मासतिगंते कसिणाइ फग्गुणे सत्तमीइ तम्मि वणे ।  
 घाइचउक्कविमुक्केण तेणवइ गणहरा विहिया ॥५॥  
 साहू सङ्कुलक्खा अज्जाउ असीइसहसलक्खतिगं ।  
 भत्रिओ तुह विजओ भिउडी मघवं च महिनाहो ॥६॥  
 लक्खमचउवीसंगं कयवय दस पुव्व लक्ख सब्बाउं ;  
 सागरकोडिसएहिं नवहिं गएहिं सुपासाओ ॥७॥

भद्रवय-कसिण-सत्तमि निम्महियाऽसेसकम्म सम्मेए ।  
मुणिसहसजुओ तं निव्वुओसि मम निव्वुर्यं कुणसु ॥८॥



### सिरि सुविहिणाह-थुतं

सिरिसुविहिनाह ! मह देहि वंछियं वंछियाइं पूरेडं ।  
चविओसि आणयाओ तं फग्गुण-कसिण-नवमीए ॥१॥  
कायंदीए रामा-सुगगीवाणं सुओसि मयरंको ।  
मग्गसिर-पंचमीए कसिणाए चंद-गोरंगो ॥२॥  
धणुसयपमाण कुमरतणम्म पत्रास पुब्बसहसाइं ।  
रज्जम्मि गमिय तिच्छय अट्टावीसंग-सहियाइं ॥३॥  
सहसंबवणे छट्टेण निगओ मग-बहुल-छट्टीए ।  
नरसहसजुओ पुस्साओ पायसं परदिणे पत्तो ॥४॥  
चडवासे तं कत्तिय-सिय-तइयाए तहिं वणे नाणं ।  
लद्धूण गणहराणं अट्टासीई तए ठविया ॥५॥  
दो लक्खा साहूणं लक्खं अज्जाण वीस सहसा य ।  
तुह भत्तिरया अजिओ सुतारया जुद्धविरिओ य ॥६॥  
वयमडवीसंगूणं लक्खं पुब्बाण लक्ख-दुगमाडं ।  
चंदप्पहाओ सागरकोडीण गयाइ नवईए ॥७॥  
भद्रवय-सुद्ध-नवमी समणसहस्रेण तंसि सम्मेए ।  
पत्तो ठाणमणंतं ममावि वासं तहिं देहि ॥८॥



### सिरि सीयलणाह-थुतं

सीयलनाह ! महीअलंमि णमो संताववज्जियं काउं ।  
वइसाह-कसिण-छट्टीई पाणयाओवइश्वोसि ॥१॥  
भद्रिलपुरंमि दद्धरह-नंदाणं माहबारसीई तुमं ।  
कसिणाइ कणयवत्रो उप्पत्रो नवई-धणुमाणो ॥२॥

सिरिवच्छलंछण तुमं कुमरो पणुवीस पुव्व-सहसाइं ।  
 दुगुणाइं निवो छट्ठाउ मणुय-सहसेण सहसंबे ॥३॥  
 नीहरिओ जम्म-तिहीइ परदिणे पायसं पुणव्वसुणा ।  
 दिनं वास-तिर्गते पोससिय-चउद्दसीइ दिणे ॥४॥  
 तम्म वणे वरनाणं तुहासि इगसीइ गणहराणं च ।  
 साहूण सयसहस्रं अज्जालकखं तु छहि अहियं ॥५॥  
 तुह पहुभत्ता बंधोऽसोया सीमंधरो य धरणीसो ।  
 पणुवीस-पुव्व-सहसा वयमाडं पुव्वलकखं तु ॥६॥  
 सिरि सुविहिजिर्णिदाओ गयम्म नवगम्म अयर-कोडीण ।  
 वइसाह-बहुल-बीयाइ साहुसहसेण सम्मेए ॥७॥  
 नाणोहि तिहिवि चउहि वि पंचहि वि जं न पत्तपुव्वं तु ।  
 तकालि च्चिय तं अक्खरपयं पत्त तुञ्ज नमो ॥८॥



### सिरि सेयंसणाह-थुत्तं

तिहुयणलच्छोकनावयंस-सेयंस ! तंसि अच्चुयओ ।  
 सीहपुरे अवइशो बहुलाए जिहु-छट्ठीए ॥१॥  
 जाओसि विण्हु-विण्हूण बारसीइ कसिणाए ।  
 गंडयमंडिय तं कणयसच्छहो असीइधणुमाणो ॥२॥  
 इगवीसवासलकखे कुमरो दुगुणाइं ताइं कथरज्जो ।  
 छट्ठेणं फगगुण-तेरसीइ-कसिणाइ सहसंबे ॥३॥  
 नर-सहसज्जुओ नीहरिय परदिणे नंदपायसं पत्तो ।  
 वासेहि दोहिं मासे अमावसाए वणे तत्थ ॥४॥  
 जायं नाणं गणहर छहत्तरी साहुसहस चुलसी य ।  
 अज्जा तिसहस्साहिय लकखं तुह ईसरो भत्ती ॥५॥  
 तह माणसी तिविटु हरी य इगवीस-वास-लक्खाइं ।  
 तुह वयमाडं चउगुण-मणंतरं सीयलजिणाओ ॥६॥  
 छव्वीस सहस्साहिय छावट्टी-वासलक्ख-सहिएण ।  
 सागरसएण ऊणाइ अयरकोडीओ गमियायो ॥७॥

सम्मेए कसिणाए सावण तइयाए समणसहसजुओ ।  
तंसि गओ लोयगं हत्थालंबं मम देसु ॥८॥



### सिरि वासुपुज्जणाह-थुत्तं

सिरिवासुपुज्ज ! उज्जोइउं जयं जिडु-सुङ्क-नवर्मीए ।  
तं पाणयकप्पाओ चविडं चंपाइ संपत्तो ॥१॥  
जाओ वसुपुज्ज-जयाण फगुणे कसिण-चउद्दसीइ तुमं ।  
महिसंक-रत्तवन्नो सत्तरिधणुमाण गयमाण ॥२॥  
अद्वारसयसहस्सा वासा कुमरोसि तं चउत्थेण ।  
फगुण-अमावस्याए विहारगेहम्मि नीहरिओ ॥३॥  
छहिं निवसएहि सहिओ बीयदिणे पायसं सुनंदाओ ।  
पत्तोसि वासमें छउमत्थो विहरिओ नाह ! ॥४॥  
माहे सिय-बीयाए विहारगेहम्मि पत्तनाणेण ।  
छावट्टी लोयहिया विहिया गणहारिण तुमए ॥५॥  
बावत्तरी सहस्सा मुणीण अज्जाड लक्खमें तु ।  
तुह भत्ता य कुमारो पयंड-देवी दुविडु हरी ॥६॥  
चउपन्न-वास-लक्खो वयम्मि बावत्तरी तुह(हा)उम्मि ।  
चउपन्न सागरेहिं गएहिं सेयंस-नाहाओ ॥७॥  
छहिं साहुसएहिं समं आसाढ-चउद्दसीइ सुङ्काए ।  
चंपाइ तंसि संपत्तसिवसुहो सिवसुहं देसु ॥८॥



### सिरि विमलणाह-थुत्तं

विमलजिंगिंद ! सुरिदेहिं तंसि महिओ महीइ इंतो वि ।  
वइसाह-सुङ्क-बारसि विमुक्कसहसार गुणसार ॥१॥  
कंपिल्लपुरे जाओ नाह ! तुमं माह-सुङ्क-तइयाए ।  
सामा-कयवम्म-सुओ सहुधणुच्चो वराहजुओ ॥२॥

तवियम(त?) वणिज्जगोरो कुमार-वासम्मि वास-लक्खाइं ।  
 पनरस रज्जम्मि य दुगुणियाइं गमिऊण छट्टेण ॥३॥  
 माह-सिय सहस्रंबे माह-सिय-चउत्थि गहियसामन्नो ।  
 नर-सहस्रजुओ जय-पायसं च पत्तोसि बीयदिणे ॥४॥  
 वास-दुगंते फुरिया नाणसिरी पोस-सुद्ध-छट्टीए ।  
 तम्मि वणे गणहारी सत्तावन्ना तए विहिया ॥५॥  
 अडसट्टी मुणि सहसा अज्जाड लक्ख-मट्टसयसहियं ।  
 तुह देव ! सेवगा पुण छम्मुह विइया सयंभु हरी ॥६॥  
 पश्चरस वासलक्खा तुञ्च वयं सट्टिमेव सब्बाऊ ।  
 तीसाइ सागरेहिं गएहिं जिण वासुपुज्जाओ ॥७॥  
 आसाढ-कसिण-सत्तमि समत्तनीसेसकम्मनिम्महण ।  
 छहिं मुणिसहसेहिं समं सम्मेए निक्कुय नमो ते ॥८॥



### सिरि अणंतणाह-थुत्तं

जिणनाह ! अणंतमणंतराड भवियाण मोहमवणेउं ।  
 कसिणाए सावण-सत्तमीइ तं पाणयाड चुओ ॥१॥  
 जाओसि अउज्ज्ञाए सेणंको सीहसेण-सुजसाण ।  
 वइसाह-तेरसीए कसिणाइ सुवन्नवन्न तुमं ॥२॥  
 पन्नासध्णुसरीरो वासाणङ्गट्टुमा सय-सहस्रा ।  
 कुमरो निवो य दुगुणा मणुय-सहस्रेण सहस्रंबे ॥३॥  
 कयछट्टो कसिणाए वइसाह-चउद्दसीइ गहियवओ ।  
 विजयाओ परमन्नं अन्नंमि दिणंमि पत्तोसि ॥४॥  
 वासतिगंते संजम-तिहीइ पतं तहिं वणे नाणं ।  
 तुह गणहर पन्नासा कमेण मुणि साहुणी सहसा ॥५॥  
 छावट्टी छावट्टी भत्ता पायाल-अंकुसाड तहा ।  
 पुरिसुत्तमो हरी वयमट्टुमवासलक्खाइं ॥६॥  
 वासाण तीस लक्खा सब्बाड विमलजिणवरिंदाओ ।  
 सागरनवगम्मि गए सह सत्तहिं मुणिसहस्रेहिं ॥७॥

चित्त-सिय-पंचमीए कम्मणमोरालियं च सम्मेए ।  
मुत्तूण तणुं तणुवज्जियपयं पत्त तुज्ज नमो ॥८॥



### सिरि धम्मणाह-थुत्तं

सिरिधम्मनाह ! धम्ममि ठविउं भवियजणमिणं विजया ।  
वइसाह-सुद्ध-सत्तमि कयगब्बवयार तं नमिमो ॥१॥  
ते भाणु-सुब्बयाणं रयणपुरे माह-सुद्ध-तइयाए ।  
वज्जंकं कंचनप्पह पणचत्तधणुच्च जाओसि ॥२॥  
अड्डाइज्जा पंचम कुमरो य निवो य वास सयसहसा ।  
माह-सिय-तेरसीए कयछट्टो वप्पगाइ तुमं ॥३॥  
सहसेण निवाण विणिगाड़सि गहिऊण धम्मसीहाओ ।  
परमनामन्नदियहे वासदुर्गं गमिय-छउमत्थो ॥४॥  
पत्तोसि वप्पगाए वरनाणं पोस-पुन्रिमाइ तुमं ।  
तुह गणहरा तिचत्ता मुणिणो चउसट्टिसहसा य ॥५॥  
अज्जाउ चउसयाहिय बिसट्टि सहसा य निट्टियकसाया ।  
भत्तिपरा तुह किन्नर-पन्नती पुरिससीह हरी ॥६॥  
अड्डाइज्जा लक्खा वासाण वयं दसेव सब्बाऊ ।  
अंतरमणंतजिणओ जणिउं सागरचउक्केण ॥७॥  
जिट्टुसिय-पंचमीए अटुत्तरमुणिसएण सम्मेए ।  
होउमजोगी पत्तोसि जं पयं तं पयं देसु ॥८॥



### सिरि संतिणाह-थुत्तं

सिरिसंतिनाह ! सब्बोवसग्गनिगगहकएण पुहईए ।  
भद्ववय-कसिण-सत्तमि सब्बट्टुचुयं नमामि तुमं ॥१॥  
जाओसि गयउरे विस्ससेण - अइरण चत्तधणुमाणो ।  
हरिणंकं कणयलद्धो जिट्टुसियतेरसीइ तुमं ॥२॥

पणुवीसवाससहसा कुमार-मंडलिय-चक्रवट्टपते ।  
 पत्तेयं भविय तुमं नरिंद-सहसेण सहसंबे ॥३॥  
 कयछटो जिटु-चउद्दसीइ कसिण(णा?)इ विरहमणुरत्तो ।  
 पत्तोसि सुमित्ताओ परमन्नमण्ठरम्मि दिणे ॥४॥  
 वासंते तम्मि वणे लद्धूं सुद्ध-पोस-नवमीए ।  
 नाणवरं वरसीसा छत्तीसा गणहरा विहिया ॥५॥  
 मुणिणो बिसट्टिसहसा अज्जा इगसट्टिसहस-छसया य ।  
 गरुडो निव्वाणी तुह भत्ता कोणालयो य निको ॥६॥  
 वाससहस्साणि वयं पणुवीसं वासलक्खमाडं च ।  
 पाऊण पल्लरहिए गयम्मि धम्माड अयरतिगे ॥७॥  
 नवसाहुसएहिं समं जिट्टासिय-तेरसीइ सम्मेरे ।  
 मुरुं मुत्तिमसारं सारं पत्तोसि तुज्ज नमो ॥८॥



### सिरि कुंथुणाह-थुत्तं

सिरिकुंथुनाह ! थुणिमो परमत्थ-परोवयार-करणत्थ ।  
 सव्वट्टाओ चवर्ण तुह सावण-कसिण-नवमीए ॥१॥  
 नागपुरे सूर-सिरीण कसिण-वइसाह-चउद्दसीइ तुमं ।  
 छगलंछण कणयप्पह पणतीसधणुच्च जाओसि ॥२॥  
 कुमरो तह मंडलिओ चक्रीवि य भविय वास-सहसाइं ।  
 पाओण-चउब्बीसं पत्तेयं नरसहस्सजुओ ॥३॥  
 छट्टेण कसिण-वइसाह-पंचमी चरिय चरिय सहसंबे ।  
 बीयदिणम्मि पवनो परमन्न वाघसीहाओ ॥४॥  
 सोलसवरिसेहिं तर्हि उज्जाणे चित्त-सुद्ध-तइयाए ।  
 हय-घाइकम्म तुमए पणतीसं गणहरा विहिया ॥५॥  
 साहू सट्टि-सहस्सा अज्जाओ सट्टि-सहस छसया य ।  
 तुह नाह विहियसेवा गंधब्ब-बला कुबेरनिको ॥६॥  
 पाऊण चउबीसं पणनवई चेव वास-सहसाइं ।  
 तुह वयमाडं च गए सिरिसंतिजिणाउ पलियद्दे ॥७॥

वहसाह-पडिवयाए सिणाए दसर्हि मुणिसएहि समं ।  
सम्मेयमिमि विमुक्तोसि सेसकममेहि देहि सुहं ॥८॥



### सिरि अरणाह-थुत्तं

सिरिअरनाह ! नमो ते भवियाणमणुगहिकबुद्धीए ।  
फगुण-सिय-बीयाए सब्बद्वाओ चुओ तंसि ॥१॥  
नागपुरंमि सुदंसण-देवीं मग्ग-सुद्ध-दसमीए ।  
तीसधणूसिय जाओसि नंदवत्तंक कणयपहो ॥२॥  
इगवीस-वास-सहसा पत्तेयं कुमर-मंडलिय-चक्री ।  
मग्गसिर-सेय-इक्कारसीइ छट्टेण सहसंबे ॥३॥  
नर-सहसेण गिहाओ नीहरिओ परदिणंमि परमत्रं ।  
अवराइयाउ पत्तो अह तिहिं वरिसेहिं तम्मि वणे ॥४॥  
नाणं कत्तिय-सिय-बारसीइ आसाइउं तए विहिया ।  
गणहारी तेत्तीसा साहू पन्नाससहसा य ॥५॥  
अज्जाण सट्ठि-सहसा भत्ता जर्किखद-धारिण-सुभूमा ।  
इगवीसबाससहसा तुह बयमाउं तु चुलसीई ॥६॥  
पलिओवमचउभागे रहिए वासाण कोडिसहसेणं ।  
कुंथुजिणाउ गयम्मी सम्मेए मुणि-सहस्सेण ॥७॥  
जम्म-तिहीए कम्मक्खएण संसारउवि नीहरिउ ।  
अपुणागमं पयंगम पसीय दंसेसु अप्पाणं ॥८॥



### सिरि मल्लिणाह-थुत्तं

सिरिमल्लिनाह ! मिहिलं मोहवसं बोहिउं जर्यताओ ।  
फगुण-सुद्ध-चउथीइ इत्थिरूबोऽवइत्रोसि ॥१॥  
मग्गसिर-सुद्ध-इक्कारसीइ कुंभ-प्पभावईण तुमं ।  
कलसंक नीलवत्रो पणुवीसधणूसिओ जाओ ॥२॥  
कुमरोसि बच्छरसयं कुमार अटुमेण सहसंबे ।  
जम्मतिहीए तिहिं तिहिं नरसएहिं नीहरिओ ॥३॥

तम्मि दिणे अवरण्हे नाणं पत्तोसि तम्मि चेव वणे ।  
 जायं पायसमसणं बीयदिणे विस्ससेणाओ ॥४॥  
 गणहर अट्टावीसा कमसो तुह साहुणी सहसा ।  
 चालीसा पणपन्ना भत्ता य कुबेर-वडोट्टा ॥५॥  
 तह अजिओ नरनाहो तुहाड पणपन्नवाससहसाइ ।  
 सयहीणाइ तु वयं गयम्मि अरजिणवर्दिाओ ॥६॥  
 वासाण कोडिसहसो सम्मेए पंचपंचहि सहे(ए)हिं ।  
 साहूण साहुणीण फग्गुण-सिय-बारसीइ तुमं ॥७॥  
 उत्तरिय दुत्तराओ अणाइभवपंकओ दुरवयारे ।  
 निम्मगोऽनंतपए अणंतविरिओसि तुज्ज नमो ॥८॥



### सिरि मुणिसुव्वयणाह-थुत्तं

सिरिमुणिसुव्वय ! अवराइयाड अवराइयं पयं पत्तं ।  
 पुत्रावण सावणपुत्रिमाइ उइन्न तुज्ज नमो ॥१॥  
 रायगिहे सामंगो सुमित्त-पउमावईण जाओसि ।  
 जिडुबहुलडुमीए कुम्मंको वीसधणुमाणो ॥२॥  
 अद्धटुमाइ कुमरो वास-सहस्साइ पनरस-नरिंदो ।  
 होउं नरसहसजुओ नीलगुहाए विहियछट्टो ॥३॥  
 सुद्धाए फग्गुण-बारसीइ नीहरिय परदिणे पत्तो ।  
 तं बंभदत्तपायसमह पक्खुणे गए वरिसे ॥४॥  
 तम्मि वणे फग्गुण-बारसीइ बहुलाइ लद्ध-नाणस्स ।  
 अट्टारस गणहारी तुहसि मुणि तीस-सहसा य ॥५॥  
 पन्नास सहस्सा साहुणीण भत्ता य वरुण-नरदत्ता ।  
 विजयनिवोवि य तुह बयमद्धटुमवाससहसाइ ॥६॥  
 तीसं साडं चउपन्न-वास-लक्खेहिं मल्लिनाहाओ ।  
 जिडु-सिय-नवमीए सम्मेए समण-सहसेण ॥७॥  
 भववाडियाइ चउगइचउरं काउं तुमं सभतीए ।  
 पत्तो सिंद्धि मह पहु ! पहुत्तसरिं फलं देसु ॥८॥



### सिरि नमिणाह-थुतं

नमिनाह ! नमामि तुमं कयथ्थमप्पाणयं विहेउमणो ।  
 तं पाणयाओ मिहिलं आसोए पुन्निमाइ गओ ॥१॥  
 जाओसि विजय-वप्पाण साक्षण-कसिण-अट्टमीइ तुमं ।  
 पन्नरसधणूसिय उप्पलंक तवणिज्जरमणिज्ज ॥२॥  
 अड्डाइज्जा कुमरो वास-सहसा य पंचनरनाहो ।  
 होउं सहसंबवणे नर-सहसेण विहियछद्गे ॥३॥  
 आसाढकसिण-नवमीइ निगओ परदिणम्मि पत्तोसि ।  
 परमत्रं दिनाओ अह नवमासेहिं तम्मि वणे ॥४॥  
 मग्गसिरसि इक्कारसि हयनाणावरण गणहरा जाया ।  
 सत्तदस साहु-साहुणिसहसा वीसेगचत्ता य ॥५॥  
 भिउडी गंधारी वि य भत्ता हरिसेण चक्कवट्टी य ।  
 तुह बयमड्डाइज्जा वाससहस्सा दसाउं च ॥६॥  
 छसु वच्छरलक्खेसु गएसु मुणिसुव्याड सम्पेए ।  
 बइसाह-कसिण-दसमीइ सह सहस्सेण साहूण ॥७॥  
 सम्मत्ताइगुणेहिं लङ्घं तित्थयरनाममाइदुलहं ।  
 मुत्तूण तंपि पत्तोसि मुक्खसोक्खं नमो तुज्ज्ञ ॥८॥



### सिरि णेमिणाह-थुतं

सिरिनेमिणाह ! मोहेण भुवणमवराइयं तुमं काउं ।  
 बहुलाए कत्तिय-बारसीइ अवराइयाउ भुओ ॥१॥  
 जाओसि सिबादेवी-समुद्धविजयाण सोरियपुरम्मि ।  
 सामंग दसधणूसिय सावण-सिय-पंचमीइ तुमं ॥२॥  
 संखंक कुमारेच्चिय कुमरते गमिय तिन्नि वाससए ।  
 सावण-सिय-छट्टीए छट्टेणुर्जितगिरिसिहरे ॥३॥

नरवइ-सहसेण समं नीसामनं गहेवि सामनं ।  
 वरदिशाड पवब्रो तुमंसि परमन्नमन्नदिणे ॥४॥  
 चउपन्नदिणाणंते आसोय-अमावसाइ उज्जिते ।  
 निम्महियमोह विहिया एकारस गणहरा तुमए ॥५॥  
 अट्टारस तह चत्ता सहसा साहूण साहुणीणं च ।  
 भत्ता तुह गोमेहो अंबा कणहो हरी तह य ॥६॥  
 सत्त सया वासाणं वयमाडं दस सयाड नमिजिणओ ।  
 पणवच्छरलक्खंते आसाढ-सियट्टमीइ तुम ॥७॥  
 पंचहि साहु-सर्हिं सह छत्तीसाहिणहिं उज्जंते ।  
 पत्तोसि पंचमगईं मह पहुं तं चिय गई एका ॥८॥



### सिरि पासणाह-थुतं

सिरिपासनाह ! पसरियमहंतमोहं मणुगहिउं(?) ।  
 तं पाणयाउ चविओ चित्त-चउथीइ कसिणाए ॥१॥  
 वाणारसीइ तं अस्ससेण-बम्माण पोसदसमीए ।  
 कसिणाइ नीलवब्रो फणिरायविराइओ जाओ ॥२॥  
 नवहत्थपमाण तुमं तीसं वासाइं वसिय कुमरते ।  
 अट्टमतवेण आसमपयम्मि तिहिं नर-सर्हिं समं ॥३॥  
 कसिणाइ पोस-इक्कारसीइ सामन्नमुत्तमं पत्तो ।  
 बीयदिणे तुह दिनं परमन्नं नाह ! धन्नेण ॥४॥  
 चुलसी-दिणेहिं चित्ते कसिण-चउथीइ आसमपयम्मि ।  
 उलसिय-केवलेण तुमए दस गणहरा विहिया ॥५॥  
 सोलस तह अडतीसा सहसा मुणि-साहुणीण तुह भत्ता ।  
 पास-पउमावईउ पसेणई चेव नरनाहो ॥६॥  
 सत्तरि-वासाइं वयं वाससयं आउ नेमिनाहाओ ।  
 अङ्गट्टमसय-समहिय-तेसीइं वाससहसेहि ॥७॥  
 मुणितेत्तीसाय समं सावण-सिय-अट्टमीइ सम्मेए ।  
 सिद्धोसि हरसु मोहं मह जह पेच्छामि सामि ! तुमं ॥८॥



### सिर वङ्माण-थुतं

सिरिवद्वमाणजिण ! पाणयाउ आसाढ-सुद्ध-छटीए ।  
 भुवणमिण बोहेडं कुण्डगामं तुमं पत्तो ॥१॥  
 तिसला-सिद्धत्थाणं चित्ते सिय-तेरसीइ सीहंको ।  
 तं सत्तहत्थकाओ जाओ चांमीयरच्छाओ ॥२॥  
 कुमरोसि वास-तीसं कय-छटो मण-कसिण-दसमीए ।  
 नीहरिय नायसंडे एगो परमनामनादिणे ॥३॥  
 पत्तो बहुलाउ गए पकखाहियसङ्ग-वासबारसगे ।  
 उजुवालियाइ तीरे नईइ वइसाहदसमीए ॥४॥  
 सुद्धाइ लद्धकेवल एकारस गणहरा तए विहिया ।  
 चउद्दस तह छत्तीसा सहसा मुणि-अज्जयाणं च ॥५॥  
 मायंगजख्ख सिद्धाइयाओ सेणियनिको य तुह भत्ता ।  
 वासा बायालीसं दिक्खा बावत्तरी आउं ॥६॥  
 अङ्गाइज्जसएहिं गएहिं वासाण पासनाहाओ ।  
 अवसप्तिणीइ गुणनवइपक्खसेसे चउत्थरए ॥७॥  
 निव्वाणो कत्तियमावसाइ एगोसि तं अपावाए ।  
 पयडसि जयदीव जयं जह तह कुरु देवभद्राइं ॥८॥



C/o. प्राकृत भारती  
 जयपुर



